



Broj: 04-40-1-114/26
Sarajevo, 25.04.2026. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ **za period od 08:30 sati 24.04.2026. do 08:30 sati 25.04.2026. godine**

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su šest intervencija. Tri intervencije se odnose na obezbjeđivanje tankovanja goriva na Međunarodnom aerodromu „Sarajevo“, jedna na obezbjeđivanje javnog događaja, jedna na gašenje zapaljenog niskog rastinja i jedna na gašenje zapaljenog objekta u sklopu seoskog imanja.

Općinski operativni centar civilne zaštite Stari Grad: U skladu sa naredbama Štaba civilne zaštite Kantona Sarajevo, Općinski štab civilne zaštite Stari Grad organizovao je 24-satno osmatranje (monitoring) terena na ugroženim područjima od klizišta, lokalitetima Curine njive, Knjeginjac i Bistrički potok (teritorija Općine Stari Grad Sarajevo i Opštine Istočni Stari Grad), te kontinuiranu analizu i procjenu stanja na ugroženom području u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije stanovništva, ukoliko to situacija bude zahtijevala) i materijalnih dobara. Uposlenici Službe civilne zaštite Općine Stari Grad Sarajevo, na osnovu zadataka zaštite i spašavanja, dana 24.04.2026.godine, izvršili su obilazak i osmatranje terena na lokalitetima Curine njive, Knjeginjac i Bistrički potok. Cilj obilaska bila je procjena trenutnog stanja terena te identifikacija potencijalnih rizika.

Obilaskom lokaliteta klizišta Curine njive, vizualnim pregledom ustanovljeno je da su vidljive promjene uslijed otapanja snijega i kišnog vremena u predhodnom periodu. Na pojedinim mjestima klizišta i dalje je prisutna konstantna erozija tla, odvajanje pojedinih dijelova zemljišta, kao i slijeganje tla, uz padanje stabala. Dodatne promjene uočene su u dijelu ispod deponije, na lokaciji gdje je planiran iskop kraka drenažnog kanala, gdje su vidljivi nabori tla, kao i oborena stabla. Na dijelu gdje se nalazi završetak drenažnog kanala također je vidljiva nova pukotina u tlu. Shodno gore navedenom, predlaže se provođenje stručnog ispitivanja terena u cilju procjene stanja klizišta i utvrđivanja obima i karaktera predhodno navedenih promjena, kao i eventualno preduzimanje daljih mjera.

Na lokalitetu Knjeginjac stanje je bez većih promjena u odnosu na prethodni dan. Uočena je povećana vlažnost tla, kao i blago slijeganje u gornjem dijelu deponije. U donjem dijelu vidljiv je protok vode prema zoni klizišta, uz konstantnu pojavu plavnih površina.

Nisu evidentirana nova odlaganja zemljanog niti drugog materijala. Tlo je zasićeno vlagom uslijed obilnih padavina u prethodnom periodu, što je dovelo do povećanog protoka vode prema zoni klizišta, uz pojavu većih plavnih površina. Na gornjem dijelu deponije također je uočena erozija tla, kao i njegovo djelimično slijeganje.

Na lokalitetu Bistričkog potoka, u odnosu na prethodni dan, stanje bez većih promjena. Na lokalitetu Bistričkog potoka, protok vode odvija se nesmetano. U gornjem dijelu iznad mosta, na području Istočni Stari Grad, i dalje je prisutno obrušeno kamenje i oborena stabla, što može uticati na protočnost u slučaju povećanog vodostaja.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave iznosila je 6°C, vlažnost zraka 72%, barometarski pritisak 944,9 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Zbog održavanja fudbalske utakmice, danas će u vremenu od 18:30 do 23:00 satA za saobraćaj biti zatvorene ulice Bulevar Ivica Osima (od raskrsnice sa ulicama Put Mladih Muslimana i Azize Šaćirbegović do raskrsnice sa ulicom Hamdije Čemerlića) i Topal Osman Paše (od raskrsnice sa ulicom Kemala Kapetanovića do raskrsnice sa ulicom Bulevar Ivica Osima).

Prema informacijama prikupljenih od dežurnih dispečera i informativnih službi KJKP GRAS, Centrotans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a